



Broj: 04-GV-04-1922 /23
Sarajevo, 15.12.2023. godine

ZAPISNIK O RADU
35. SJEDNICE KOMISIJE ZA SPOMENIKE
GRADSKOG VIJEĆA GRADA SARAJEVA
ODRŽANE 15.12.2023. GODINE

Prisutni:

1. Damir Dinarević, predsjedavajući
2. Edin Veletovac, zamjenik Predsjedavajućeg
3. Aldijana Kulin, članica
4. Samir Plasto, član
5. Denis Čolić, član
6. Halima Livnjak, članica

Odsutan: Almedin Miladin, član

Sjednici iz Stručne službe Gradskog vijeća Grada Sarajeva prisustvuje:

- Mirjana Đanović Stanić, rukovodilac Stručne službe za poslove Gradskog vijeća

Sjednici prisustvuje i:

- Tarik Zečić, ispred Gradske službe za urbano planiranje, investicije, stambene i komunalne poslove

Predsjedavajući Komisije je u 10.06 sati otvorio sjednicu, pozdravio prisutne, utvrdio kvorum za rad i odlučivanje, te pozdravio novu članicu Komisije Halimu Livnjak i zaželio dobrodošlicu i uspješan rad u ovom radnom tijelu.

Sjednica je započela razmatranjem i jednoglasnim usvajanjem Zapisnika o radu 34. sjednice Komisije za spomenike Gradskog vijeća Grada Sarajeva održane 20.11.2023. godine.

U nastavku je Predsjedavajući Komisije konstatovao da je uz poziv za sjednicu Komisije dostavljen i Informativni materijal, odnosno Odluka nakon provedenog postupka za utvrđivanje postojanja sukoba interesa za Kulin Aldijanu.

Na prijedlog Predsjedavajućeg, jednoglasno je usvojen sljedeći **dnevni red**:

1. Utvrđivanje Prijedloga Odluke o podizanju multimedijalne instalacije „Sarajevo Olympic Journey“
2. Utvrđivanje Prijedloga Odluke o podizanju spomen-ploče mladim doktoricama tragično nastradalim u saobraćajnoj nesreći na Marijin dvoru
3. Prijedlog Programa rada Gradskog vijeća Grada Sarajeva za 2024. godinu
4. Prijedlog Programa podizanja spomenika od značaja za Grad Sarajevo kojima je Grad Sarajevo investitor za 2024. godinu
5. Tekuća pitanja



TAČKA 1.

Utvrđivanje Prijedloga Odluke o podizanju multimedijalne instalacije „Sarajevo Olympic Journey“

Uvodno izlaganje podnio je Tarik Zečić, ispred Gradske službe za urbano planiranje, investicije, stambene i komunalne poslove i sugerisao članovima Komisije izmjenu člana 5. Odluke tako da glasi „Ova Odluka stupa na snagu danom donošenja.....“.

Poslije diskusije, na prijedlog zamjenika Predsjedavajućeg, Komisija za spomenike je **jednoglasno** usvojila sljedeće **zaključke**:

1. Komisija za spomenike usvaja Izvještaj o provedenoj javnoj raspravi na Nacrt Odluke o podizanju multimedijalne instalacije „Sarajevo Olympic Journey“.
2. Komisija za spomenike utvrđuje *Prijedlog Odluke o podizanju multimedijalne instalacije „Sarajevo Olympic Journey“* sa idejnim rješenjem koji je u prilogu ovog akta i upućuje ga Gradskom vijeću na razmatranje sa izvještajem o provedenoj javnoj raspravi, uz uvažavanje sugestije predstavnika Predlagača da Odluka stupa na snagu danom donošenja.

TAČKA 2.

Utvrđivanje Prijedloga Odluke o podizanju spomen-ploče mladim doktoricama tragično nastradalim u saobraćajnoj nesreći na Marijin dvoru

Uvodno izlaganje podnio je Tarik Zečić, ispred Gradske službe za urbano planiranje, investicije, stambene i komunalne poslove.

Poslije diskusije, na prijedlog zamjenika Predsjedavajućeg, Komisija za spomenike je **jednoglasno** usvojila sljedeće **zaključke**:

1. Komisija za spomenike usvaja Izvještaj o provedenoj javnoj raspravi na Nacrt Odluke o podizanju spomen-ploče mladim doktoricama tragično nastradalim u saobraćajnoj nesreći na Marijin dvoru.
2. Komisija za spomenike utvrđuje *Prijedlog Odluke o podizanju spomen-ploče mladim doktoricama tragično nastradalim u saobraćajnoj nesreći na Marijin dvoru* sa idejnim rješenjem koji je u prilogu ovog akta i upućuje ga Gradskom vijeću na razmatranje sa izvještajem o provedenoj javnoj raspravi.

TAČKA 3.

Prijedlog Programa rada Gradskog vijeća Grada Sarajeva za 2024. godinu

Uvodne napomene dala je Mirjana Đanović Stanić, rukovodilac Stručne službe za poslove Gradskog vijeća.

Poslije uvodnih napomena te sažetka Predsjedavajućeg, Komisija za spomenike Gradskog vijeća **jednoglasno** je usvojila sljedeći **zaključak**:

Komisija za spomenike sugeriše Gradskom vijeću Grada Sarajeva da razmatra *Program rada Gradskog vijeća Grada Sarajeva za 2024. godinu* kako je predložen.

TAČKA 4.

Prijedlog Programa podizanja spomenika od značaja za Grad Sarajevo kojima je Grad Sarajevo investitor za 2024. godinu

Uvodno izlaganje podnio je Tarik Zečić, ispred Gradske službe za urbano planiranje, investicije, stambene i komunalne poslove.

Denis Čolić, član Komisije je u diskusiji iznio određene sugestije.

Poslije uvodnog izlaganja i diskusije, te sažetka Predsjedavajućeg, Komisija za spomenike Gradskog vijeća jednoglasno je usvojila sljedeći **zaključak**:

Komisija za spomenike sugeriše Gradskom vijeću Grada Sarajeva da razmatra *Program podizanja spomenika od značaja za Grad Sarajevo kojima je Grad Sarajevo investitor za 2024. godinu* kako je predložen.

TAČKA 5.

Tekuća pitanja

Pod ovom tačkom dnevnog reda nije bilo zaključaka.

PREDSJEDAVAJUĆI KOMISIJE

Damir Dinarević,

Predsjedavajući Komisije je u 10.47 sati zaključio rad 35. sjednice Komisije za spomenike Gradskog vijeća Grada Sarajeva.